

注解伤寒论

【汉】张仲景 原著 【宋】成无己 注 张立平 校注

【伤寒论注十人书】

学苑出版社



注解伤寒论

【汉】张仲景 原著 【宋】成无己 注 张立平 校注

【伤寒论注十人书】

学苑出版社



图书在版编目(CIP)数据

注解伤寒论/[汉]张仲景原著;[宋]成无己注;张立平校注. - 北京:学苑出版社, 2009. 1

(伤寒论注十人书)

ISBN 978-7-5077-3194-1

I. 注… II. ①张…②成…③张… III. 伤寒论-注释
IV. R222. 22

中国版本图书馆 CIP 数据核字(2008)第 187881 号

责任编辑:付国英 陈 辉

出版发行:学苑出版社

社 址:北京市丰台区南方庄2号院1号楼

邮政编码:100079

网 址:www. book001. com

电子信箱: xueyuan@ public. bta. net. cn

销售电话: 010-67675512、67678944、67601101(邮购)

经 销:新华书店

印 刷 厂:北京市广内印刷厂

开本尺寸: 890×1240 1/32

印 张: 7. 25

字 数: 158 千字

印 数: 0001—3000 册

版 次: 2009 年 9 月第 1 版

印 次: 2009 年 9 月第 1 次印刷

定 价: 16. 00 元

新刻伤寒论序

《伤寒论》，为文简严，而寓意渊奥，离为六经，法有详略。详者，义例甄明，非长余也；略者，指趣该洽，非缺落也。散之若截然殊科，融之则约于一贯。顾读而用之者何如耳？儒者既不暇读，医流又鲜能读，是以微辞要义，秘而不宣，至谓此非全书，直欲分门平叙，续臆说以为奇，杂群方而云备，使矿镳合冶，貂犬同裘，如《活人》、《杀车》等书，皆仲景之螟螣也。余观成氏注，盖能独究遗经，与之终始，多所发明，间虽依文顺释，如传大将之令于三军，不敢妄为增易。听者惟谨行，自得之。其有功于是书不浅也。顾世未有遗其声而徒逐其响者，于是论注同湮，惜哉！夫医流相沿如是，则无望其出神奇，以上契千载之妙用。不幸有得是疾，而能逃医谬于喉吻者，其几人哉！余里人汪君处敬，为是悯^①惻，务购善本，反复校雠，惧其传之不远也。则遂镌刻以为公。噫！医之《素问》、《灵枢》视儒之六经，若《伤寒论》可视《语》、《孟》六经。《语》、《孟》之书具存，非读之不能晓析。而司活民之寄者，顾有舍之，而忍其沟壑之盈。至如此书，世既罕见，卒读而通之不易，矧非有活人之寄而务好之，以杜夫医谬之冤。斯二者用心之为异，岂不远哉。余故窃有感焉，而为之序。

嘉靖二十四年岁在乙巳夏六月 望歙岩镇吕滨邦佐书

① 悯：原为“愍”，古同“悯”。



刻伤寒论序

序曰：医自轩岐之学不传，惟《素》、《难》二书，又多舛缺，遗文奥旨，代寡玄参，末学昧于原本，任疑用独，而经乃樊乱。逮后汉张长沙氏，始因《素问·热论》，广伊尹汤液，肆为论说，发其疑义，而经复一明。既而撰次于王叔和，注释于成无己。厥后庞、朱、韩、许之流。因亦互有开发，提纲揭要，无越乎吐、汗、下、温四法而已。盖一证一方，万选万中，回生起死，千载合符。陶隐居称为群方之祖，孙真人叹其特有神功，岂无征哉！然方土异宜，古今殊运，阴阳虚实之交错，其候至微，发汗吐下之相反，其祸至速。兼以庸工固滞，迷误弗省，致微疴成膏肓之变，沉痾绝苏起之望，有由然矣。大都此书，条贯虽明，词旨雅奥，时俗难入，具眼几何，故医门罕读，鬻者莫售，矧张经王传，又往往反复后先，鲁鱼相杂，版本漫缺，好古者致憾于斯。嗟乎！《脉诀》出而《脉经》隐，《百问》行而《伤寒论》乖。譬之俗儒，专诵时文而昧经传，其失均也。汪子希说氏，以博雅名家，慨俗学之昏迷，悯蒸民之夭札，出其家藏善本，视汪处敬氏，三复雠校，乃命入梓，而问序于余。余故以多病，好医而未能也。然耽味仲景之论有年矣，辄援古照今，溯其流委于卷后，且以嘉二子之有功于长沙也。学者诚能潜精斯籍，讨其指归，斯可以凌驾前贤，仁寿当代矣。

嘉靖乙巳之吉新安篁南江璫撰



注解伤寒论序

夫前圣有作，后必有继而述之者，则其教乃得著于世矣。医之道源自炎黄，以至神之妙，始兴经方。继而伊尹以元圣之才，撰成《汤液》，俾黎庶之疾疢，咸遂蠲除，使万代之生灵，普蒙拯济。后汉张仲景，又广《汤液》为《伤寒卒病论》十数卷，然后医方大备，兹先圣后圣，若合符节。至晋大医令王叔和，以仲景之书，撰次成叙，得为完秩。医统本作“秩”。昔人以仲景方一部为众方之祖，盖能继述先圣之所作，迄今千有余年，不坠于地者，又得王氏阐明之力也。

《伤寒论》十卷，其言精而奥，其法简而详，非寡闻浅见所能殫究。后虽有学者，又各自名家，未见发明。仆忝医业，自幼徂老，耽味仲景之书，五十余年矣。虽粗得其门而近升平堂，然未入于室，常为之慊然。昨者，解后医统本作“邂逅”聊摄成公，议论该博，术业精通，而有家学，注成伤寒十卷，出示仆，其三百九十七法之内，分析异同，彰明隐奥，调陈脉理，区别阴阳，使表里以昭然，俾汗下而灼见。百一十二方之后，通明名号之由，彰显药性之主，十剂轻重之攸分，七精制用之斯见，别气味之所宜，明补泻之所适，又皆引《内经》，旁牵众说，方法之辨，莫不允当，实前贤所未言，后学所未识，是得仲景之深意者也。昔所谓慊然者，今悉达其奥矣！亲覩其书，诚难默默，不揆荒芜，聊序其略。

时甲子中秋日洛阳严器之序



伤寒卒病论集

论曰：余每览越人入虢之诊，望齐侯之色，未尝不慨然叹其才秀也。怪当今居世之士，曾不留神医药，精究方术，上以疗君亲之疾，下以救贫贱之厄，中以保身长全，以养其生。但竞逐劳势，企踵权豪，孜孜汲汲，惟名利是务；崇饰其末，忽弃其本，华其外而悴其内。皮之不存，毛将安附焉？卒然遭邪风之气，婴非常之疾，惠及祸至，而方震栗。降志屈节，钦望巫祝，告穷归天，束手受败。赉百年之寿命，持至贵之重器，委付凡医，恣其所措。咄嗟呜呼！厥身已毙，神明消灭，变为异物，幽潜重泉，徒为啼泣。痛夫！举世昏迷，莫能觉悟，不惜其命，若是轻生，彼何荣势之云哉？而进不能爱人知人，退不能爱身知己，遇灾值祸，身居厄地，蒙蒙昧昧，蠢若游魂。哀乎！趋世之士，驰竞浮华，不固根本，忘躯徇物，危若冰谷，至于是也。

余宗族素多，向余二百，建安纪年以来，犹未十稔，其死亡者，三分有二，伤寒十居其七。感往昔之沦丧，伤横夭之莫救，乃勤求古训，博采众方，撰用《素问》、《九卷》、《八十一难》、《阴阳大论》、《胎产药录》，并《平脉辨证》，为《伤寒杂病论》合十六卷。虽未能尽愈诸病，庶可以见病知源。若能寻余所集，思过半矣。

夫天布五行，以运万类；人禀五常，以有五脏；经络







腑俞，阴阳会通；玄冥幽微，变化难极。自非才高识妙，岂能探其理致哉！上古有神农、黄帝、岐伯、伯高、雷公、少俞、少师、仲文，中世有长桑、扁鹊，汉有公乘阳庆及仓公。下此以往，未之闻也。观今之医，不念思求经旨，以演其所知，各承家技，终始顺旧。省疾问病，务在口给，相对斯须，便处汤药，按寸不及尺，握手不及足，人迎、跌阳，三部不参，动数发息，不满五十，短期未知决诊，九候会无仿佛，明堂阙庭，尽不见察，所谓窥管而已。夫欲视死别生，实为难矣。孔子云：生而知之者上，学则亚之。多闻博识，知之次也。余宿尚方术，请事斯语。

图解运气图

经曰：夫天地之气，胜复之作，不形于诊。脉法曰：天地之变，无以脉诊，此之谓也。又曰：随其气所在，期于左右，从其气则和，违其气则病；迭移其位者病，失守其位者危，寸尺反者死，阴阳交者死。经曰：夫阴阳交者，谓岁当阳在左，而反于右；谓岁当阴在右，而反于左。左交者死。若左右独然，非交，是谓不应。惟寅、申、巳、亥、辰、戌、丑、未八年有应也。谓寸尺反者死，谓岁当阴在寸，而反见于尺；谓岁当阳在尺，而反见于寸。若寸尺反者死。若寸尺独然，非反，见谓不应。惟子、午、卯、酉四年应之。今依夫《素问》正经直言图局，又言脉法，先立其年以知其气，左右应见，然后乃言生死也。凡三阴司天、在泉上下，南北二政或左或右，两手寸尺不相应，皆为脉沉下者，仰手而沉，覆手则沉为浮细大大者也。若不明此法，如过渤海问津，岂不愚乎。区区白首不能晓明也，况因旬月邪。仆亦留入式之法，加临五运六气、三阴三阳、标本、南北之政、司天在泉、主病，立成图局，易晓其义，又何不达于圣意哉！









脉 天 司 阴 三 政 北								
少	太	少						
阴	阴	阳						
<table border="1"><tr><td colspan="2">癸丑未</td><td colspan="2">乙辛丁</td></tr></table>					癸丑未		乙辛丁	
癸丑未		乙辛丁						
右手	尺不应	水运	尺部应	左手				
脉 泉 在 阴 三 政 北								
右手	寸不应	火运	寸不应	左手				
<table border="1"><tr><td colspan="2">癸卯酉</td><td colspan="2">乙辛丁</td></tr></table>					癸卯酉		乙辛丁	
癸卯酉		乙辛丁						
太	少	厥						
阴	阴	阴						


脉 泉 在 阴 三 政 北								
右手	寸不应	木运	寸口应	左手				
<table border="1"><tr><td colspan="2">庚寅申</td><td colspan="2">丙壬戌</td></tr></table>					庚寅申		丙壬戌	
庚寅申		丙壬戌						
少	厥	太						
阴	阴	阳						
脉 泉 在 阴 三 政 北								
右手	寸不应	金运	寸不应	左手				
<table border="1"><tr><td colspan="2">壬辰戌</td><td colspan="2">丙戌庚</td></tr></table>					壬辰戌		丙戌庚	
壬辰戌		丙戌庚						
少	太	少						
阳	阴	阴						




死 交 脉 阳 阴 政 南 交地左 己未 己丑 厥 太 阳 阴 阳 明	死 交 脉 阳 阴 政 南 少 太 少 阴 阴 阳 己未 己丑 交天左
死 交 脉 阳 阴 政 南 交地左 甲申 甲寅 少 厥 太 阴 阴 阳	死 交 脉 阳 阴 政 南 厥 少 太 阴 阴 阴 甲午 甲子 交天左









运气加临汗差手经指掌之图



运气加临汗差足经指掌之图



运气加临棺墓手经指掌之图



运气加临棺墓足经指掌之图

